

Ահա՛ շնչում եմ,  
աշխատում,  
ապրում  
ու տաղեր գրում  
(ինչքան կարող եմ):  
Կյանքի հետ իրար դիտում ենք խստիվ  
հոնքերի տակից  
ու ես մղում եմ նրա հետ կռիվ  
որքան հնար է ինձ:

Գժտության մեջ ենք կյանքն ու ես,  
բայց դու մի կարծեր,  
թե կյանքը կատեմ:  
Ո՛չ ընդհակառակ,—  
մեռնելու մոտ իսկ,  
ես կյանքը, կոպիտ  
պողպատ թաթերով,  
դարձյա՛լ պիտ սիրեմ,  
դարձյա՛լ պիտ սիրեմ:  
Ասենք թե հիմա գցեն իմ վզին  
պարանն ու հարց տան.  
«Ինչպե՞ս, ուզո՞ւմ ես մի ժամ էլ  
ապրել?»: